

Tabula 28.

**BARRINGTONIA SPECIOSA.**

MONADELPHIA POLYANDRIA.

CHAR. GEN. Monogyna. Calyx diphyllus. Drupa, nuce 1-4 loculari.

BARRINGTONIA speciosa: Linn. suppl. 312. Mamea asiatica Syst. veg. ed. 13.  
p. 499.

Habitat inter tropicos Indiae orientalis, Chinae et maris pacifici ad fluminum  
ostia potissimum in insulis. <sup>b</sup>

Arbor vasta in loco natali, culta vero minor evadit. Truncus cortice glabro  
cinereo tectur. Rami alterni teretes.

Folia sparsa opposita et alterna, interdum et terna, subpetiolata obovata acuti  
uscula integerrima glabra simpliciter venosa, glauca, subcarnosa.

Pedunculis in ramis terminales uniflori duo vel tres.

Calyx diphyllus persistens superus, foliis ellipticis obtusis.

Corolla tetrapetala candida, petalis ovatis obtusiusculis, apice rubicundis.

Filamenta numerosissima corolla duplo longiora rubra, basi in anulum unita.  
Antherae subtundae erectae.

Pistillum Germen oblongum inferum Stylus filiformis staminibus longior. Stigma  
obtusum.

Pericarpium Drupa conica tetragona calyce persistenti coronata. Nux quadri-  
locularis ossea.

Semina solitaria ovata rugosa.

Colitur in tepidario. Propagatur taleis, amatque terram levem sabulosam, vel  
ex humo et arena compositam.

Ramus magnitudine naturali.

a. Calyx cum Pistillum. b. Fructus maturus. c. Nucleus.